



**«ՎԱՐԴԱՆԱՆՔ» ԿՐԹԱՅԱՄԱԼԻՐ**

**ՉԵՏԱԶՈՏԱԿԱՆ ԱՇԽԱՏԱՆՔ**

**ԹԵՄԱ՝** *Սովորողների մոտ արժեքային համակարգի  
ձևավորումը պատմության ուսուցման ընթացքում*

**Կատարող՝** *Արտակ Հակոբյան*  
*Երևանի Բաժնու անվան թիվ 36 հիմնական դպրոց*

**Ղեկավար՝** *Նունե Ասրյան*

# Բովանդակություն

Ներածություն.....	3
ԳԼՈՒԽ 1. ԱՐԺԵՔԱՅԻՆ ՀԱՄԱԿԱՐԳ.....	4
1.1 Արժեքների տեսակները.....	6
1.2 Արժեքային համակարգի կարևորությունը.....	9
ԳԼՈՒԽ 2. ԱՐԺԵՔԱՅԻՆ ՀԱՄԱԿԱՐԳԻ ՁԱՎՎՈՐՈՒՄԸ ՊԱՏՄՈՒԹՅԱՆ ՈՒՍՈՒՑՄԱՆ ԸՆԹԱՑՔՈՒՄ.....	10
2.1 Ինչպես զարգացնել արժեքային համակարգը պատմության ուսուցման ընթացքում.....	12
Եզրակացություններ.....	14
Գրականության ցանկ.....	15

**Երևան - 2023**

## Ներածություն

Մեր հետազոտական աշխատանքը ունի հետևյալ վերնագիրը՝ «Սովորողների մոտ արժեքային համակարգի ձևավորումը պատմության ուսուցման ընթացքում»: Թեման ընտրելիս հաշվի են առնվել մի շարք նախադրյալներ, որոնցից են թեմայի արդիականությունը, նպատակի կարևորությունը և առաջ քաշած խնդիրները:

Արժեհամակարգի գրագետ ձևավորումը ժամանակակից աշխարհի և հատկապես մեզ՝ հայերիս համար, կարևորագույն խնդիրներից մեկն է դարձել, մեր ինքնությունը պահպանող և առաջ տանող ուժը ապագա սերունդն է, որի ուսերի վրա է դրված հայի՝ սերնդեսերունդ փոխանցվող արժեհամակարգի պահպանման հարցը: Իսկ սերունդներին կրթելու և դաստիարակելու դժվարին և պատասխանատու գործը, ինչպես շատ ժամանակներ առաջ, այնպես էլ հիմա դրված է ուսուցչի և դպրոցի ուսերին:

Հետազոտական աշխատանքի նպատակն է ևս մեկ անգամ բարձրաձայնել սովորողների մոտ արժեքային համակարգի ձևավորման կարևորագույն հարցը, մասնավորապես պատմության ուսուցման ընթացքում:

Ուսումնասիրության խնդիրներն են՝

- Ուսումնասիրել համապատասխան գրականությունը
- Տալ արժեք-արժեքային համակարգ հասկացությունների սահմանումները
- Ներկայացնել արժեքային համակարգի ձևավորումը պատմության ուսուցման ընթացքում
- Ցույց տալ արժեքային համակարգի կարևորությունը:

## ԳԼՈՒԽ 1. ԱՐԺԵՔԱՅԻՆ ՀԱՄԱԿԱՐԳ

Մարդկային բոլոր ձգտումներն ու վարքի դրսևորման տեսակները, հույզերն ու ապրումները, մտահաղացումներն ու նպատակները ձևավորվում են այն տեսանելի գաղափարի շուրջ, որը կոչվում է արժեքային համակարգ, ինչն էլ անմիջականորեն դառնում են նաև մեր մշակույթի անբաժան մասը:

Բոլորս էլ ենթագիտակցորեն ձգտում ենք կյանքի ամենավեհ զգացողության ապրմանը՝ երջանկությանը, ինչը իրենից ենթադրում է սեփական արժեքային համակարգի իրացմանը և արտաքին աշխարհի միջև համապատասխանությանը: Հենց սա է պատճառը, որ նախքան ցանկացած ոլորտի, ժողովրդի, մշակույթի ուսումնասիրությունը սկսելը, պետք է նախ և առաջ ուսումնասիրել նրա արժեքային համակարգը, ինչը թույլ կտա խորությամբ հասկանալ ու ընկալել, այն ինչը առաջին հայացքից անհասկանալի կարող է թվալ: Յուրաքանչյուր ազգի, պետության, ժողովրդի հատուկ են արժեքային առանձին համակարգեր, ինչը որոշ առումներով հեշտացնում է միևնույն շրջանի ժողովրդի շփումը միմյանց հետ, ի տարբերություն այլ շրջանների ժողովրդի:

Արժեքը, աշխարհի յուրահատուկ ընկալումն է, որը ձևավորվում է ոչ միայն ձեռք բերված գիտելիքի և ինֆորմացիայի, այլև սեփական կենսափորձի հիման վրա:<sup>1</sup>

Արժեքային համակարգերը տարբեր են ոչ միայն տարբեր ժողովուրդների մոտ, այլև յուրաքանչյուր ոք ունի իրեն հատուկ արժեքային համակարգը, որը ձևավորվում է կյանքի տարբեր ոլորտներում՝ ընտանիք, դպրոց, սոցիալական տարբեր միջավայրեր:

Արժեքային համակարգը կարելի է բաժանել մի քանի կարևոր կատեգորիաների, որոնց մեջ առաջնահերթ են սերը, հավատը, ճշմարտությունը և այլն: Այս կատեգորիաների մասին խոսվել են դեռևս շատ հին ժամանակներից, դրանց կարևորության գաղափարը ժառանգել են սերունդները և հասցրել մինչև մեր օրեր, կարելի է ասել, որ առանց այս հիմնական կատեգորիաների արժեքային համակարգը մեծ կորուստներ կկրեր, սրանք բնորոշ են տարբեր մշակույթներ ունեցող ժողովուրդներին: Այժմ մի քանի բառով ներկայացնենք այս կատեգորիաները՝ Հավատը ծնում է հույս և մղում մարդուն ապրելու, ստեղծելու, արարելու: Հավատը

---

<sup>1</sup> <https://hy.m.wikipedia.org/wiki/Արժեքներ>

դառնում է կողմնորոշիչ մարդու կյանքի և գործունեության համար: Մարդիկ քանի դեռ ապրում են՝ հավատում են, քանի դեռ հավատում են՝ ապրում են:

Սերը մյուս մարդկանց հետ միավորվելու ձգտումն է: Սիրո մեջ միավորվում են մարդու արժեքային պատկերացումները: Այն բաղկացած է մի քանի մակարդակներից: Այլասիրությունը ուրիշին սիրելու, իսկ եսասիրությունը սեփական անձը սիրելու երևույթն է:

Ինչպես նշեցինք՝ արժեք է համարվում ճշմարտությունը, հատկապես բարու և գեղեցիկի հետ կապվելիս: Բարու, գեղեցիկի, արդարի միասնության սկզբունքը գալիս է Սոկրատեսից, ով փիլիսոփայական գիտելիքը բաժանում է տեսականի (որի կրողը նա համարում է ճշմարիտը), գործնականի (բարին), գեղարվեստականի (գեղեցիկը):

Ճշմարտությունը միայն որոշակի սոցիալ-մշակութային պայմաններում է ձեռք բերում արժեքային նշանակություն, իսկ գոյաբանական և իմացաբանական իմաստներով ըմբռնված ճշմարտությունը արժեքաբանորեն չեզոք են: Կյանքում հաճախ ճշմարտությունը զոհաբերվում է արժեքներին: Եթե Արիստոտելն առաջնորդվում էր «Թեև Պլատոնը բարեկամն է, բայց ճշմարտությունը թանկ է» սկզբունքով, ապա շատերն առաջնորդվում են «Թեև ճշմարտությունը թանկ է, բայց Պլատոնը բարեկամն է» սկզբունքով:<sup>2</sup>

Անդրադառնալով դպրոցի տված դաստիարակությանն ու փոխանցավոր արժեքներին, նշենք՝ նախատեսվում է, որ դպրոցն ավարտող յուրաքանչյուր աշակերտ պետք է՝

- Լինի հայրենասեր և պատրաստ ծառայելու հայրենիքի պաշտպանության գործին:
- Կարևորի ազգային-պետական մտածողությունը և գործելակերպը, դրսևորի դրան հասնելու ձգտում ու կամք:
- Ունենա ազգային ինքնագիտակցություն:
- Կարևորի ազգային հիմնախնդիրների լուծման գործում իր մասնակցության կարևորությունը:
- Ունենա արդարության, լավատեսության և պատասխանատվության զգացում:

---

<sup>2</sup> <https://hy.m.wikipedia.org/wiki/Արժեքներ>

- Գիտակցի ներկան և ապագան կերտելու խնդրում ազգային պատմության տեղը:
- Գիտակցի իր ժողովրդի կյուբական և հոգևոր արժեքները պահպանելու անհրաժեշտությունը:
- Գիտակցի, որ կյանքում իր համար կարևորագույն արժեքներից են լինելու գիտելիքները, աշխատանքային հմտությունները, մասնագիտական վարպետությունը և այլն...<sup>3</sup>

Մեզանից յուրաքանչյուրի համար կյանքի արժեքները հիմնական ուղենիշն են տարբեր գործունեության մեջ: Նրանք նպաստում են անձնական աճին, հարմարավետ կյանքի ստեղծմանը, ստեղծագործական մտածողության ձևավորմանը և այլն: Մարդուն ամեն ինչ հասնում է նրա կառուցած արժեքների հիերարխիայի շնորհիվ, որը որոշում է, թե առաջնահերթություններից որն է առաջինը: Սա մարդկային երջանկության չափանիշն է:

## 1.1 Արժեքների տեսակները

Արժեքն ինչ-որ բանի կարևորությունը, նշանակությունը և օգտակարությունն է: Արժեքային համակարգը կատարում է ամենօրյա կողմնորոշման դեր մարդու առարկայական և սոցիալական գործունեության մեջ:<sup>4</sup>

Արժեքների փոխանակումը կարևոր է, քանի որ դա ենթադրում է, որ համայնքի անդամները պետք է հասկանան, ընդունեն և կիսեն դրանք, որոնք էլ իրենց հերթին երաշխավորելու են ներդաշնակ համակեցություն և փոխադարձ հարգանք:

Արժեքները, ինչպես արդեն նշել էինք վերը, բազմաթիվ են սկսած ամենաընդհանուրից ընդունված մարդկանց մեծամասնության կողմից, մինչև առավել անձնական և մտերիմ, յուրաքանչյուրին բնորոշ: Արժեքներն ազդում են այն որոշումների և վարքագծի վրա, որոնք մարդիկ կայացնում են իրենց կյանքի ընթացքում: Ուստի դրանք գործողության սկզբունքներ են:<sup>5</sup> Այժմ թվարկենք դրանցից մի քանիսը`

- ❖ **Համընդհանուր արժեքներ**, որոնք դրական են համարում մշակույթների, երկրների, մարդկանց ճնշող մեծամասնությունը, օրինակ` անկեղծություն, պատասխանատվություն, արդարություն, ազատություն, բարություն,

<sup>3</sup> Արմինե Սարգսյան, Արման Մալոյան, Հայոց պատմություն 10\_11 դասարան, էջ 39:

<sup>4</sup> Անձի հոգեբանության տեսական և կիրառական հարցեր: ԵՊՀ, Երևան 2016թ., էջ 228:

<sup>5</sup> <https://hy.warbletoncouncil.org/tipos-de-valores-5814>

ազնվություն, սեր, բարեկամություն, հարգանք, վստահություն, համերաշխություն:

- ❖ **Մարդկային արժեքներ`** համերաշխություն, հանդուրժողականություն, բարեկամություն, խոնարհություն, հավատարմություն, զգայունություն:
- ❖ **Անձնական արժեքներ,** սրանք այն արժեքներն են, որոնք առաջնորդում են մարդուն կյանքի ընթացքում, օգնում որոշումներ կայացնել և փոխազդել այլ մարդկանց վրա: Դրանք սոցիոմշակութային, ընտանեկան և անհատական արժեքների խառնուրդ են, որոնք ստեղծվել են եզակի փորձերի արդյունքում: Այս արժեքները հետևյալն են` հավատարմություն, երախտագիտություն, կարգապահություն, համբերություն, հաստատակամություն, կարեկցանք, հասկացողություն, համառություն:
- ❖ **Ընտանեկան արժեքներ`** ընտանեկան հանգույց, հարգանք տարեցների հանդեպ, բարեկամականություն, ազնվություն, համերաշխություն, անկեղծություն:
- ❖ **Սոցիոմշակութային արժեքներ`** հայրենասիրություն (կան երկրներ ավելի հայրենասեր, քան մյուսները), կրոն / արժեք կրոնական սովորույթներ, ճշտապահություն (կան երկրներ, որտեղ մարդիկ ավելի ճշտապահ են), առատաձեռնություն, համերաշխություն, ընտանիք (օրինակ, լատինական երկրներում ընտանիքը սովորաբար ավելի բարձր է գնահատվում):
- ❖ **Բարոյական արժեքները`** կոչվում են այնպիսիները, որոնք էական են հասարակության մեջ ապրելու և էթիկական որոշումներ կայացնելու համար, դրանք են` հարգանք մյուսների նկատմամբ, հանդուրժողականություն, հավատարմություն, ազնվություն: Պետք է հաշվի առնել, որ ժամանակի ընթացքում աշխարհը փոխվում է, լավ կամ բարոյական արժեքները ևս հակված են փոփոխություններ կրելու:
- ❖ **Հոգևոր արժեքներ`** կրոնական հավատալիքներ, ներդաշնակություն, հավատ: Այս տեսակի արժեքները հիմնականում արտացոլված են պատմության ընթացքում սերնդեսերունդ փոդանցված սուրբ համարվող տեքստերում: Երբեմն դրանք համընկնում են համընդհանուր արժեքների հետ և ձգտում են նվազեցնել մարդկային գործողությունները, որոնք բխում են վրդովմունքից, եսասիրությունից կամ նախանձից` ուրիշների հանդեպ հարգանք դավանելով: Այս արժեքները գործնականում կիրառվում են նույնիսկ նրանց կողմից, ովքեր չեն նույնանում կրոնի հետ` ապրելով իրենց հոգևոր համոզմունքներով:



- ❖ **Գեղագիտական արժեքներն** այն արժեքներն են, որոնք վերաբերում են իրերի գեղեցկությանը կամ տգեղությանը:
- ❖ **Էթիկական արժեքներ`** սրանք սոցիալապես ընդունելի վարքային դրսևորումներն են մասնագիտության, կազմակերպության, գիտելիքի, ուժի կամ այլ հասարակական շրջանակներում: Հիմնական նպատակն է հասնել նորմերի հաստատմանը, որոնք կարգավորում են այն ձևը, որով անձը գործում է իր աշխատանքային ոլորտում միշտ փնտրելով լավը և ընդհանուր օգուտները սխալ անձնական հավակնություններից վեր:
- ❖ **Նյութական արժեքները** կոչվում են այն կոնկրետ տարրերը, որոնք գոյակցում են մարդկանց հետ և օգնում նրանց գոյատևել և ապրել ավելի հարմարավետ: Դրանք են ընթերցանությունը, իմաստասիրությունն ու հետաքրքրասիրությունը:
- ❖ **Գործիքային արժեքները** կոչվում են այնպիսիները, որոնք թույլ են տալիս մեզ հասնել գործնական նպատակների, որոնք օգտակար են անձնական բարեկեցության համար: Դրանք են բարեկամականություն, մանրակրկիտություն, համառություն:
- ❖ **Քաղաքական արժեքներ`** ազատություն, հավասարություն, ժողովրդավարություն: Այս արժեքների միջոցով յուրաքանչյուր անհատ ընկալում է, թե ինչպես է աշխատում հասարակությունը:
- ❖ **Մասնագիտական կամ աշխատանքային արժեքներ`** հավատարմություն, պատասխանատվություն, ստեղծագործականություն:
- ❖ **Ընկերության արժեքները`** համագործակցություն, թմային աշխատանք, աղորդակցություն, նորարարություն

Արժեքների մեծ նշանակության պատճառն այն է, որ դրանց հիման վրա մարդիկ ձևավորում են իրենց գործելաոճը, ապրելակերպը, քանի որ դրանք յուրաքանչյուր մարդու համոզմունքների էական մասն են:

Մշակույթի հետ առնչվող արժեքներն ունեն որոշակի պատմական բնույթ, որով ձևավորվել են հասարակական ընդունելի տարբեր կանոններ, որոնցից են նաև լավի և վատի տարբերակումը:

## 1.2 Արժեքային համակարգի կարևորությունը

Արժեքները կարևոր են, քանի որ դրանք օգնում են մարդկանց որոշել, թե կյանքում ինչն է կարևոր: Մյուս կողմից, դրանք էական են հասարակության մեջ ապրելու համար: Համընդհանուր արժեքները, որոնք համարվում են դրական, ինչպիսիք են համերաշխությունը կամ հանդուրժողականությունը, թույլ են տալիս մարդկանց հարգել և գոյակցել՝ չնայած իրենց տարբերություններին: Մարդկային արժեքները ևս իրենց հերթին հեշտացնում են հասարակական հարաբերությունները, դրանց մեջ մտցնելով՝ բարեկամություն և խոնարհություն: Իսկ անձնական արժեքները օգնում են կյանքում առաջնորդվել, այնպիսի դրական սկզբունքներով, ինչպիսիք են օրինակ՝ կարգապահությունը, համբերությունը, երախտագիտության զգացումը և այլն: Կարելի է ասել՝ այս և վերը թվարկված մյուս արժեքների իրացումն ու ընդունվածությունը հասարակության կողմից, իրական հիմք են հանդիսանում հասարակության մեջ լիարժեք ապրելու և գործելու համար:

Երեխան նախքան դպրոց հաճախելը, արդեն իսկ ծանոթ է արժեքային համակարգին, նա համակարգի ինչ\_որ տարրեր տեսնում ու վերցնում է ընտանիքի անդամներից, նրանց տված դաստիարակությունից, նախքան դպրոցը հաճախած կրթօջախից: Դպրոցում էլ ամրապնդվում են «հին» արժեքները և ավելացվում նորերը, որը ուսուցիչը ամեն դասընթացի շրջանակներում փորձում է տարբեր մեթոդների միջոցով փոխանցել իր աշակերտներին:

Այսպիսով՝ կյանքի ամեն շրջափուլ նոր արժեքների բացահայտման, ճանաչման և ընդունման մի փոքրիկ շրջան է, որը մարդուն օգնում է ընդունել աշխարհն ու հասարակությանը այնպիսին, ինչպիսին կան դրանք:

Եթե հասարակության մեծամասնությունը կարողանա տարածել վերը նշված արժեքային համակարգի սկզբունքների կարևորությունը, ապա վստահաբար կարելի է ասել, որ մարդը կապրի ավելի քաղաքակիրթ, բարոյապես բարձր մակարդակ ունեցող, հոգևոր և ազգային բարձր դիմագիծ ունեցող երկրում:

## ԳԼՈՒԽ 2. ԱՐԺԵԲԱՅԻՆ ՀԱՄԱԿԱՐԳԻ ՁԱԿՎՈՐՈՒՄԸ ՊԱՏՄՈՒԹՅԱՆ ՈՒՍՈՒՑՄԱՆ ԸՆԹԱՑՔՈՒՄ

Նոր սերնդի արժեհամակարգի ձևավորման, կրթության և դաստիարակության գործում, ինչպես արդեն նշել էինք մեծ և անխախտ դեր ունի դպրոցը, որի գերնպատակն է հայ ազգին տալ բարոյական, ազգային արժանիքներով օժտված, հայրենասեր սերունդ:

Բազմաթիվ արժեքների մեջ պետք է տարբերակել ազգային արժանիքներ հասկացողությունը, որում առանձնանում է ազգային-պետական միաբանության ապահովումը: Միաբանության ապահովման մեջ վճռորոշ դեր են խաղում երեք հիմնական արժեք-արժանիքներ՝ արժանապատվություն, արդարամտություն, աշխատասիրություն: Ազգային արժանապատվությունը սեփական ազգի արժանիքների, վաստակի, իրավունքների գիտակցումն է, ինքնահարգանքը՝ որպես ազգի ներկայացուցիչ, այս մասին պատմության դասընթացներին խոսվում է ավելի մանրամասն ու հանգամանալից, ինչը նպատակ է հետապնդում ազգային արժանապատվություն դաստիարակել մատաղ սերունդների մեջ:

Հայոց պատմությունը բովանդակում է դաստիարակչական վիթխարի ներուժ, հայրենասիրություն և ազգային արժանապատիվ գոյություն: Հայոց պատմության իմացությունը հնարավորություն կտա Հայաստանի Հանրապետության ապագա քաղաքացուն ուսումնառության ընթացքում ձեռք բերած գիտելիքներն ու ճանաչողական հմտությունները, հայոց քաղաքակրթության դարավոր ավանդույթները, փորձը և անցյալի դասերը լավագույնս ծառայեցնել հզորացման և բարգավաճման ուղին բռնած Հայաստանի անկախ պետությանը, պատկերացում կազմել համաշխարհային պատմության մեջ Հայաստանի և հայ ժողովրդի զբաղեցրած տողի ու դերի մասին, հենց այս պատճառով է, որ կրթության զենքը և գլխավոր իմաստը պետք է դառնա արժեհամակարգի ձևավորումը:<sup>6</sup>

Այն անհատներն ու ազգերը, որոնք ապրում են արժեքների գերակայությամբ բարձր ոգեղեն հատկանիշներով ապրող ազգեր և անհատներ են, իսկ երբ նվազում են

---

<sup>6</sup> Ղուկասյան Ա., Հայոց պատմություն, 8\_9 դասարան, ուսուցչի ձեռնարկ, էջ 6:

արժեքները վրա է հասնում ոգու սովը: Ոգեղենությունը պետք է հատուկ լինի բոլորին, հատկապես՝ մտավորականությանը, որը համարվում է ազգի ինտելեկտուալ խիղճը:

Երբ փլուզվում են արժեքները, խախտվում է համակեցությունը և տարածվում անբարոյականությունը: Մարդիկ դժբախտանում են, տնտեսությունն անկում է ապրում, հանցագործությունները դառնում են համատարած, կյանքը կորցնում է իմաստի զգալի մասը, մարդիկ սկսում են հեշտությամբ իրար կոտորել:

Չենց այս պատճառով է, որ կրթության հենքը և գլխավոր իմաստը պետք է դառնա արժեհամակարգի ձևավորումը: Դպրոցը պետք է լինի օրինակելի տարածք, ուր հաստատուն են էթիկական նորմերը, ուր աշակերտները սովորում են դրանց համապատասխանել: Չաճախ դպրոցը ստիպված է պայքարել հանրության մեջ տարածված արատների դեմ և այդ պայքարում պարտավոր է հաղթել: Դպրոցում կյանքը չի կարող հեշտ լինել երեխայի համար՝ նա պետք է զգա և՛ ցավ, և՛ ուրախություն, ունենա թե՛ դժվարություններ, թե՛ հաղթանակներ: Դպրոցում աշակերտը պետք է ընկալի համակեցության նորմերի իմաստը և ընդունի դրանք: Այդ ամենի պտուղը կլինեն իրական արժեքները, այլ ոչ թե թելադրված, անգիր արած, բայց աշակերտի համար ոչինչ չնշանակող ճշմարտությունները: Եթե մենք կարողանանք կառուցել դպրոցներ, որոնք կձևավորեն արժեքներ աճող սերնդի համար, կունենանք աշխարհի ամենալավ և ամենաիմաստալից կրթական համակարգը:<sup>7</sup>

Պամության դասընթացների գլխավոր և հիմնական նպատակը հայրենասիրական բարձր արժեքներով օժտելն է աշակերտներին, իսկ հայրենիքը սիրելու և նրա արժանի զավակը դառնալու համար պետք է նախ և առաջ իմանալ նախնիների պատմությունները, որոնք լի են հերոսական էջերով, ապա ճանաչել հայրենիքի ամեն անկյունը, լինել այն վարերում, որոնք պատմում են մեր հերոսական էջերի մասին:

---

<sup>7</sup> <https://mediamax.am/am/column/12925/>

## 2.1 Ինչպես զարգացնել արժեքային համակարգը պատմության ուսուցման ընթացքում

Ուսուցման գործընթացում լուծվում են սովորողների կրթական, դաստիարակչական կամ արժեքային և ընդհանուր զարգացման խնդիրներ: Դրա համար յուրաքանչյուր դասի դաստիարակչական խնդիրների լուծումը նախատեսում է ոչ թե մեկուսացված կամ առանձին մոտեցում, այլ գիտելիքների ու կարողությունների, արժեքային որակների, կամքի, բնավորության, զգացմունքների, հոգեբանական տարբեր դրսևորումների միաժամանակյա և փոխկապակցված մոտեցում:<sup>8</sup>

Աշակերտի արժեքների ձևավորման խնդիրները ինչպես նշեցինք լուծվում են ոչ միայն ընտանիքում, այլ նաև ուսումնական հաստատություններում՝ ուսումնադաստիարակչական գործընթացի միջոցով: Ուսուցման դաստիարակչական ներգործությունը օբյեկտիվ օրինաչափություն է, որովհետև աշակերտների համար ուսուցումը գործունեության հիմնական տեսակն է, դրա համար էլ այն կարևոր դեր է կատարում նրանց անձի ձևավորման գործում: Ուսուցման գործընթացի դաստիարակչական ներգործության հարուստ աղբյուր է բուն գործընթացի բովանդակությունը, որովհետև ընտրելով դաստիարակչական առումով հիմնական գաղափարները, օրենքները և հասկացությունները՝ ուսուցիչը հնարավորություն է ստանում առարկայական ծրագրերի բովանդակության յուրացման միջոցով աշակերտների մեջ սերմանել հայրենասիրական, քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Կրթության բովանդակության հետ միասին ուսուցման մեթոդները ներգործում են աշակերտների ճանաչողական ունակությունների վրա՝ նրանց հնարավորություն տալով ստացած գիտելիքները կյանքում օգտագործելու ըստ նպատակի:

Պատմության որակյալ դասի գլխավոր հատկանիշը և, ընդհանրապես, պատմության դասավանդմանը ներկայացվող գլխավոր պահանջը գիտական բարձր մակարդակն է, համապատասխանությունը պատմական և մանկավարժական գիտությունների ժամանակակից նվաճումներին, առաջավոր փորձին, ուսումնադաստիարակչական գործընթացի օրինաչափություններին: Միևնույն

<sup>8</sup> Բաբանսկի Յու. -Աշակերտների դաստիարակությունը կոմպլեքսային մոտեցում: Էջ 112

ժամանակ, անհրաժեշտ է նկատի ունենալ, որ պատմության դպրոցական դասընթացը չի ընդգրկում պատմության պատմական գիտության բոլոր նվաճումները: Պատմության նշանակությունը առաջին հերթին նպատակաուղղված է սովորողների մարդկության պատմական ուղու, նրա սոցիալական հոգևոր և բարոյական փորձի վերաբերյալ գիտելիքներ հաղորդելուն, պատմական ժամանակաշրջանի վերաբերյալ որոշակի պատկերացումներ ձևավորելուն: Ոչ մի դեպքում չի կարելի թույլ տալ պատմության դպրոցական դասընթացի բարդացում և սովորողների ծանրաբեռնում արտածրագրային նյութերով:<sup>9</sup>

Հայոց պատմության դասընթացներին ուսուցիչը սովորողների մոտ տարբեր մեթոդների, հմտությունների, ճանաչողական էքսկուրսիաների միջոցով փորձում է սերմանել հայրենասիրական բարձր և անխախտ արժեքներ: Մեր ազգը դարեր շարունակ եղել և մնում է ներքին և արտաքին թշնամիների հարձակման կիզակետում, այդ իսկ պատճառով հատկապես «Հայոց պատմություն» դասավանդող յուրաքանչյուր մանկավարժի առաջնային պարտքն է համարվում դաստիարակել սերունդ, որի կարևորագույն նպատակը կլինի ծառայել իր երկրին, լինել այն հիմնաքարը, որի օգնությամբ այս փոքրիկ երկիրը մեծ նվաճումներ կունենա, այս փոքրիկ երկրի դրոշը մեծ բեմերում և հարթակներում ամենաբարձրը կձածանվի՝ հիշեցնելով մեծ պետություններին այս փոքրի երկրի տոկոսնության, համառության և ապրելու ու արարելու մեծ ձգտման մասին: Կարևոր չէ, թե ինչ բնագավառում կդրսևորի իրեն հետագայում աշակերտը, կարևորը այն է, որ նա լինի իր գործի վարպետը՝ լինի դա գինվորական գործ, շախմատ, բժշկություն թե շինարարություն: Կարևոր է, որ հայ մարդը իմանա իր երկրի պատմությունը, դաս քաղի անցյալից և կայուն հիմքի վրա ստեղծի իր և իր երկրի ապագան:

---

<sup>9</sup> Արմինե Սարգսյան, Արման Մալոյան, Հայոց պատմություն 10-11 դր դասարաններում : Էջ 40

## Եզրակացություններ

Ամփոփելով հետազոտական աշխատանքը հանգել ենք հետևյալ եզրակացություններին՝

- Արժեքային համակարգը կարելի է բաժանել մի քանի կարևոր կատեգորիաների, որոնց մեջ առաջնահերթ են սերը, հավատը, ճշմարտությունը:
- Մարդուն ամեն ինչ հասնում է նրա կառուցած արժեքների հիերարխիայի շնորհիվ, որը որոշում է, թե առաջնահերթություններից որն է առաջինը: Սա մարդկային երջանկության չափանիշն է:
- Արժեքային համակարգը կատարում է ամենօրյա կողմնորոշման դեր մարդու առարկայական և սոցիալական գործունեության մեջ:
- Կյանքի ամեն շրջափուլ նոր արժեքների բացահայտման, ճանաչման և ընդունման մի փոքրիկ շրջան է, որը մարդուն օգնում է ընդունել աշխարհն ու հասարակությանը այնպիսին, ինչպիսին կան դրանք:
- Պատմության որակյալ դասի գլխավոր հատկանիշը և, ընդհանրապես, պատմության դասավանդմանը ներկայացվող գլխավոր պահանջը գիտական բարձր մակարդակն է, համապատասխանությունը պատմական և մանկավարժական գիտությունների ժամանակակից նվաճումներին, առաջավոր փորձին, ուսումնադաստիարակչական գործընթացի օրինաչափություններին:

## Գրականության ցանկ

1. Անձի հոգեբանության տեսական և կիրառական հարցեր: ԵՊՀ, Երևան 2016թ.:
2. Արմինե Սարգսյան, Արման Մալոյան, Հայոց պատմություն 10\_11 դասարան:
3. Բաբանսկի Յու. -Աշակերտների դաստիարակությունը կոմպլեքսային մոտեցում:
4. Ղուկասյան Ա., Հայոց պատմություն, 8\_9 դասարան, ուսուցչի ձեռնարկ, էջ 6:
5. <https://hy.m.wikipedia.org/wiki/Արժեքներ>
6. <https://hy.warbletoncouncil.org/tipos-de-valores-5814>
7. <https://mediamax.am/am/column/12925/>